



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-03/1-04-53531-25-1/24
Sarajevo, 25.03.2025. godine

SKUPŠTINA KANTONA SARAJEVO

Služba za skupštinske poslove

- O v d j e -

KANTON SARAJEVO

Stručna služba Vlade

- O v d j e -

Zastupnica Miomirka Melank je na 18. Radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila slijedeću zastupničku inicijativu koja se odnosi na slijedeće:

”

1. **Osiguranje na obaveznu zdravstvenu zaštitu za djecu uzrasta od 6-15 godina, koja nemaju status redovnog učenika, a koja to pravo ne mogu ostvariti po bilo kojem drugom osnovu, u skladu sa međunarodnim standardima i Presudom Ustavnog suda Federacije BiH broj: U-61/17 od 15.10.2019., Izmjenama i dopunama kantonalnih propisa.**
2. **Ministarstvo za odgoj i obrazovanje Kantona Sarajevo treba inicirati izmjene i dopune propisa kojima se uređuje obrazovanje odraslih u ovom kantonu na način da osiguraju da žrtve trgovine ljudima, starosti iznad 15 godina života, imaju pravo na osnovno i srednje obrazovanje na način da budu oslobođeni ličnog učešća u plaćanju troškova svog obrazovanja.**
3. **Proširenje kapaciteta Mobilnog tima za prevenciju prosjačenja u KS.“**

ODGOVOR:

Nakon što je Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) razmotrilo predmetnu zastupničku inicijativu, dostavljamo Vam slijedeći odgovor:

1. U skladu sa odredbama člana 146. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine Kantona Sarajevo“, br. 38/14-Prečišćeni tekst, 38/16, 44/17, 28/18, 52/21 i 40/22), zdravstvena zaštita osigurava se djeci od rođenja do polaska u školu i osobama starijim od 65 godina života, pod uslovom da nemaju zdravstveno osiguranje po drugom osnovu. Plaćanje neposrednog učešća u troškovima zdravstvene zaštite za djecu od rođenja do navršanih 15



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

1/2

godina života, odnosno starije maloljetnike do 18 godina života i osobe starije od 65 godina života vrši ovo Ministarstvo, pod uslovom da nisu zdravstveno osigurani po drugom osnovu, dok poslove vezane za ostvarivanje ovih prava vrše općinski organi uprave nadležni za poslove socijalne zaštite, zaštite civilnih žrtava rata i zaštite porodice sa djecom.

2. Dio upućene inicijative pod tačkom 2. nije u nadležnosti Ministarstva.

3. Mobilni tim za djecu koja obavljaju rad na ulici egzistira u sastavu Javne ustanove „Kantonalni centar za socijalni rad“ Sarajevo (u daljem tekstu: Kantonalni centar). Kada je u pitanju proširenje kapaciteta Mobilnog tima, ističemo da Ministarstvo kontinuiranu pažnju i podršku posvećuje potrebama ustanova socijalne zaštite, a posebno u dijelu koji se tiče obezbjeđivanja materijalnih sredstava potrebnih za njihov nesmetan rad i funkcionisanje. U tom smislu smatramo važnim naglasiti da je Ministarstvo u 2024. godini obezbijedilo vozilo koje je bilo neophodno za rad Mobilnog tima, a što je predstavljalo dugogodišnji problem u radu istog. Što se tiče potrebe proširenja kapaciteta Mobilnog tima, naglašavamo da takav prijedlog Ministarstvu treba da bude upućen i obrazložen zvanično od strane Kantonalnog centra.

S poštovanjem,

Pripremile: Berina Filipović, šefica Odjeljenja za pravne poslove
Smaragda Lučkin, šefica Odjeljenja za socijalnu zaštitu
zaštitu civilnih žrtava rata i zaštitu porodice sa djecom

Kontrolisao: Miralem Dedović, pomoćnik ministra

Dostavljeno:

1. Naslovu,
2. Koordinatoru odgovora na zastupnička pitanja i inicijative
3. Evidencija,
4. Arhiva.

**PO OVLAŠTENJU MINISTRICE
SEKRETARKA MINISTARSTVA**

A. [redacted] ić



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/2